


徽商會館公所征信錄匯編

卷二 續編

下

上海人民出版社



ISBN 978-7-01-016740-4



9 787010 167404 >

定价: 497.00元(上、下)

徽商会馆公所征信录汇编

李琳琦 梁仁志 整理

下



人
民
大
学
社

责任编辑:贺 畅 黄煦明

封面设计:周涛勇

责任校对:吕 飞

图书在版编目(CIP)数据

徽商会馆公所征信录汇编/李琳琦,梁仁志 整理. —北京:人民出版社,2016.12
ISBN 978-7-01-016740-4

I. ①徽… II. ①李…②梁… III. ①徽商-商业史-史料 IV. ①F729

中国版本图书馆 CIP 数据核字(2016)第 230975 号

徽商会馆公所征信录汇编

HUI SHANG HUI GUAN GONG SUO ZHENG XIN LU HUI BIAN

李琳琦 梁仁志 整理

人民出版社 出版发行

(100706 北京市东城区隆福寺街 99 号)

北京盛通印刷股份有限公司印刷 新华书店经销

2016 年 12 月第 1 版 2016 年 12 月北京第 1 次印刷

开本:787 毫米×1092 毫米 1/16 印张:86

字数:1875 千字

ISBN 978-7-01-016740-4 定价:497.00 元(上、下)

邮购地址 100706 北京市东城区隆福寺街 99 号

人民东方图书销售中心 电话 (010)65250042 65289539

版权所有·侵权必究

凡购买本社图书,如有印制质量问题,我社负责调换。

服务电话:(010)65250042

新安惟善堂征信全录（光绪二十九年刊）

清光绪二十九年（1903）癸卯仲春月刊

板存本堂

目 录^①

原序	627
续刊序	628
外厝地图	630
内堂地图	631
老产地图	632
坟山地图	633
光绪七年、光绪八年置产图（图略）	635
光绪十年置产图（图略）	636
光绪十一年置产图（图略）	637
光绪十二年置产图（图略）	638
光绪十三年置产图（图略）	639
光绪十四年、光绪十五年置产图（图略）	640
重建新安六吉堂征信录序	641
抽收箱茶堆金禀呈 宪批 告示	642
光绪十八年置产图	648
光绪二十五年、二十六年置产图（图略）	649
光绪二十七年置产图（图略）	650
重建六吉堂工料总登	651
光绪二十三年分募捐经费乐输芳名	653
光绪二十四年分募捐经费乐输芳名	656
光绪二十七年分乐输经费芳名	657
新造对门厝所工料总登	658
租基地约	659
张述记接办堂事后所置产业、什件详单	660
张文瑞序	662
光绪十八年收支 结存	663
光绪十九年收支 结存	673
光绪二十年收支 结存	683
光绪二十一年收支 结存 透支	691
光绪二十二年收支 结存 透支	701

① 目录为整理者所加。

光绪二十三年收支	结存	透支	711
光绪二十四年收支	结存	透支	723
光绪二十五年收支	结存		738
光绪二十六年收支	结存		752
光绪二十七年收支	结存		768

原序

新安惟善堂前刊征信录序

翰林院侍讲学士、前提督安徽学政胡敬撰

新安地狭人众，为商旅谋衣食于外者较之他郡邑尤多。吾闻之同居乡里有相周相保、相救相恤、相友相助、疾病相扶持之谊，今也散而为商旅于四方，势固不暇相顾问及，一旦遭罹大故而望收恤于故乡之人，又情之所不容已也。况新安之人为商旅于吾浙之杭、嘉、湖诸郡邑及江南之苏、松、常诸郡邑者甚众，不幸因病物故欲归槩于故里，途必经于杭州。嘉庆初，歙邑余锦洲尝于钱塘栅外一图建新安权厝之楹，然地侧隘不足容多，又复募得桃花山麓石井前张立瞻地若干丈尺，建旁屋数楹。锦洲卒，其孙铨顺与侄晃并续购何姓地若干丈尺，待扩充焉。道光十七年，司事胡骏誉、金高德等五十余人咸曰：“事创于前，必有因而后大，我惟时其任之。”乃各捐资劝募。复募得杭郡同志阙信甫家毗连基地二亩有奇。其建屋之制，前为厅事若干楹，后筑室为权厝所二十余间，周以墙垣，既固而安，足容多槩矣。凡旅槩之至，则先告于司事，司事即遣信告于其家，予以迎柩限期。其家人有力者，任其自备资用迎归故里；力不足者，酌助之；极无力者，尽给之。期已过而其家人莫有至焉者，司事将堂中所置公地代为埋葬，仍立石识姓名，俾异时来迁移者毋贻误。而各邑并于邑界水口登岸处建设登山集，集有司事如堂。凡旅槩至而无家人资送者，则以告于集中司事，司事亦即遣信告于其家，其家或有力、无力与力不足者，司事待之之法如堂。期已过而其家人莫有至焉者，即将所置公地代为葬之，立石识姓名又如堂。此其经画之周详、规模之宏备，非所谓尽美尽善而无毫发之遗憾者耶。斯固由司事诸君之弗吝弗懈，众为欣助并积款生息以资经久通达，大吏竭力以营之，故能成是丰盈豫大之象。其在《易》之综卦为“丰”，丰多故恤故者丰之义，道在持之以恒，俾得常如日之在中而不昃，则存乎诸君之相劝勉焉。夫如是，固足见新安风俗之醇，而兴仁之效更于兹可验也哉。予尝视学安徽，今幸快睹新安众绅士能以任恤之义相先也。而司事示予以惟善堂经制规条册，遂援笔而乐序之。如此云。

续刊序

新安惟善堂续刊征信录序

杭州城外海月桥桃花山麓有新安惟善堂权厝所，嘉庆、道光间，歙人余君锦洲创建于前，而其侄若孙及胡君骏誉等复推而广之者也。其经制规条具有成书，胡学士敬序之甚详。咸丰季年毁于兵。同治初，汪君鉴人集资重建，堂之事汪君实司之。既殤，继其事者增高厝所，构新安别墅于其中，建殿祀文、武二帝，又设茶寮以涌喝者。出纳之数既多，惧其久而无稽也，乃续刊征信录。问序于予，予曰：“昔世，延陵季子葬其子于赢、博之间，而曰魂气无不之。孔子叹为合礼。宜若旅葬，无害于礼者。然而古人有言：‘狐死正邱首，乐乐其所自生，礼不忘其本’。太公五世反葬于周，后世至有赢胜万里，归骨先陇，而天下称为奇孝者。此久客思乡之梦，温次房所为不能忘情也。是举行而吾乡之人庶几告无憾也。”曩游郊野，见栉比而藏棺者，杭人谓之攒屋，攒犹鼓也。南宋会稽绪陵或称攒宫。考诸《檀弓》、《丧大记》，鼓涂覆屋之制，惟天子诸侯同之，大夫即攒至西序不为屋形。今庶人而概称攒屋，殆与建牙之牙讹为衙，而杭人筑室于道，辄称某衙以区画界，其僭略同。其有缭以垣墙而前置厅事者，或称庄或称山庄，是又虚饰尔雅之称，辄不若僭呼攒屋之犹得其实。则综核名义，惟权厝之称为有当也。在土著之流久而不葬，往往惑于青鸟家言，不足深论。至于旅人估客，奄忽徂谢，瞻言邦族道里悠远，必待家人之来而魂魄始归故乡，有不得不出于权宜之举者。行权正所以酌经也。然当嘉道全盛时，事虽创而较易。寇乱初平，物力凋翊，自顾之不暇，而奚暇及人。继此役者乃相维繫，往来浙东，振裘絮领，乡人之商于外者以盐、茶、木为大宗，岁劝西处金，而其他亦量力而附益之，事卒以济则隆，因而实难。倘所谓出其言善，千里之外应之，理亦有然者乎！夫仁人孝子之用心，惟行乎心之所安而已。权厝所之有举莫废而死者安，死者安而其一家人安，家积成邑，邑积成郡，而一邑一郡之人胥安。茔之事一人任之，或数人任之，前之人任之，后之人复任之，纲举目张，无侵无旷，亦各安其所安，则心安而事无不安。持此以德，隆千百年不敝可也，僉曰善。因书而弁诸简端。

光绪七年岁辛巳冬月，绩溪胡元洁撰，歙县洪葆书。

新安惟善堂后刊征信录序

窃以浙省杭城外江干海月桥桃花山麓建造新安惟善堂义所，专为同乡客故停柩

载送回徽而设，诚盛举也。自嘉庆初年歙邑余锦洲先生慕义怀仁，捐资创业，权建堂楹，暂厝旅棹，经费虽云不足，而始基已立于前矣。嗣后，道光年间，其令孙镛顺与乃侄晃偕胡骏誉、周载宇、金高德、朱祥桂、程嘉绶、吴家骏等四十余人继志述事，运筹定例，恢廓前模，幸得诸善户倾囊助款，集腋成裘，藉此高建堂楹，广增厝所，一切善后事宜至详且备，故历年吾徽旅棹得所凭依，赤贫者装船送回，无嗣者置地安葬，洵可谓谊敦桑梓者欤。所可痛者，咸丰庚申之岁粤匪猖狂，杭城溃陷，狼烟叠【迭】起，兔窟横行，竟将堂宇、市房纵焚殆尽，所有租金、存款皆化一空，殊令人搔首问天而嗟叹不能已也。迨至同治聿兴，整军戡乱，杭省虽经克复，老成每慨沦亡，维时汪君鉴人在杭，与鲍鸣岐、胡祝如、吴德辉、吴星海、方国安、章容光、汪贯之、范有芳等惨见吾徽旅棹暴露荒郊，意欲暂妥孤魂，重兴义举。奈当兵燹之余，殷实者少、托钵无门，疲敝者多、捐资无术，因是同往义桥新坝与徽属诸君啗议熟筹，惟有盐、茶二项皆聚绍属，过镇劝助堆金聊为藉手之资，权济燃眉之急。并劝各处商业随缘乐助，量力输将，由此积少成多。即将本堂旧址先后递建，厅事以及内外厝所暨每年载送埋葬等情，汪君亦属维持不怠者焉。第各款捐资原需众力，而在堂司账只任一人。诂同治辛未岁汪君作古，公议酌请司事查其收支总簿，自四年至九年分虽难细核，大略相符。厥后，诸董络续捐贖，复建文、武二帝殿，并购新安别墅，重将外厝升高翻盖，又另建亭施茶。诸善举有基无坏，自可壮观。第承先接理者未能守旧增新，任情滋弊，以致啧有烦言，何堪服众？适获程君野庭年高德劭，好善存诚，慨然以公事为己责，不受辛资，怀清履洁，不辞劳瘁，纲举目张，入堂未周三载，经费渐有余资，又得同人同心共济，则六吉堂之兴复即在诣顾问矣。爰将历年收支各款汇刊征信全录，以供明鉴而察实情，还期乐捐者益充善量，司事者同著芳名而永垂不朽云尔。

旨在光绪七年，岁次辛巳孟夏月谷旦。新安惟善堂董事人等同校：鲍遗庄、何昌来、程立方、吴汾伯、胡绮荷、洪映辰、方寿乔、鲍德卿、邵正辉、孙一生、金濂生、程野庭、吴菊庄、章辅堂、汪凤舞、洪才卿、吴渭泉、吴恺堂、王俊英、胡寿南、胡衡甫。

外厝地图

外堂基地图（图略）

外厝坐落海月桥里街栅外一图成字第五百五十七号，计征地四分正。于嘉庆初年间，余锦洲先生向在江干开设过塘行，视同乡客故者自江南苏松常、浙西嘉湖等郡归棹于故里，必由杭州江干雇船回梓，常有延至几日不得船者，柩停沿途，雨霖日晒，为此，购地建立权厝。后因是厝地隘，兼之在杭病故者停入，渐致盈塞，不足容多，又复募得桃花山麓石井前地方张立瞻先生慨助隙地，建盖旁屋数楹。而后余锦洲先生卒，其孙铨顺与侄晃续购何姓地及募阙信甫先生毗连基地，于道光十七年与金高德等劝捐建立内堂外厝。事创于前，必有因而后大者也。

内堂地图

内堂基地图（图略）

内堂坐落浙杭江干海月桥里街桃花山麓石井前地方，系钱邑栅外一图成字第九百零七号，计征地四亩六分八厘二毫九丝二忽。初建于道光十七年间，系余锦洲先生起造外厝，之后为外厝地隘，停柩盈塞，不足容多，早年募得张立瞻基地，先造旁屋殡房数楹，内堂始立于时也。余锦洲先生卒后，其孙铨顺、侄晃续购何姓地，又募得阙信甫毗连基地，偕金高德、胡骏誉等共董其事，劝资建立堂宇、殡房、六吉堂等处，次第告竣，议立规条，无不周致。讫于咸丰庚申岁，粤匪窜浙，杭城被陷，堂宇均成焦土。迨至同治聿兴，省城克复，乱前，司董相继去世，适汪君鉴人在杭，与鲍鸣岐等惨见吾郡旅棕沿途暴露，目不忍视，是以爰集同人告劝盐、茶各商输助堆金，并劝各处业商随心乐助，集腋成裘，重建惟善堂，先后殡房、堂宇及外厝递建，仍依旧址，兴工告竣，如故可观，足见汪君等维持不怠。吾郡生歿无不感颂其德，谨录是堂起见【建】原由，以彰前人之志意。附刊咸知。

老产地图

别墅基地（图略）

同治十三年置岑大庆册名岑禹怀户基地，坐落钱邑栅外一图成字第陆百廿伍号，并置盛元贵墙脚、土名海月桥里街牌山门。

惟善亭并后租房基地（图略）

同治五年置范兆凤地，造筑茶亭并旁屋二间，系钱邑栅外一图成字六百七十二号，土名牌山门。

养善所

坐落钱邑栅外一图成字六百九十七号内，于光绪八年起造，墙门内平房三间，不另绘图。

草桥门外基地（图略）

坐落草桥门直街，系仁邑会保一图兄字号内，计基地二分八厘五毫。昔年瞿颖山捐助入堂，于同治十三年认粮，弓口未曾稽考，故未记载。是处至今未造。

九曲巷基地（图略）

坐落九曲巷内，系钱邑芝松二图宙字号内，计基地陆厘四毫一丝七忽。昔年置汪舒谷临街楼房一间并是基地，匪乱被毁。于光绪五年认粮，即造得临街六椽楼屋，后连平房四椽。

船局隔壁租房（图略）

坐落海月桥塘上，系钱邑栅外一图成字第乙千四百十四号，计征地四分七厘九毫二丝。于同治十二年王旭东助堂基地认还，造筑工料洋二百三十元，计临街六椽楼屋二间，一巷后连随身平房一应在内。

坟山地图

昔年车麟捐助入堂坟山地一则（图略）

坐落钱邑栅外二图岁字乙千一百二十一号，计土山乙亩零捌厘肆毫。乱后至今未曾稽查，照前刊征信录中原图誊刊。

万村老坟山

坐落钱邑定北五下 字号内，计山税 ，乱后尚未细查，故未绘图。

丁婆岭脚坟地

坐落钱邑城西二腾字号内，计山税 ，系于同治七八年间所置，卖主王贵亦未细查，不及绘图。系向孙桂林置进，寄税孙桂林名下。

汪贯之抵归堂内基地（图略）

输粮抵助人堂，坐落钱邑栅外一图成字乙千叁百伍拾柒号，未知分亩，契注四至，其地在内堂后门对照。

同治十年置施养和坟山一则（图略）

坐落龙化山钱邑栅外一图成字第乙千三百六十七号，计土山乙亩乙分贰厘五毫。

同治十三年置施养和坟山一则（图略）

坐落龙化山钱邑栅外一图成字号，同上，计土山乙分零肆毫贰丝。

光绪二年置施养和大华里龙化山坟山二则（图略）

共计土山柒分伍厘。

光绪五年置施养和坟山三则（图略）

共计土山贰亩玖分壹厘壹毫叁丝。

以上五则均在钱邑栅外一图成字乙千三百六十七号，施必达户推税入堂。

光绪六年又置施养和坟山贰则

土名施家山口，坐落钱邑栅外一图成字乙千三百六十七号，施必达户推入本堂，

置时未曾绘图，照契填注四至。

大块东至本堂界、南至本堂界、西至俞坟界、北施卖主界，计土山陆分捌厘零柒丝；

小块东至本堂界、南至大路界、西至王界、北至施界，计土山乙分肆厘伍毫柒丝。

以上均系前置老产，统未绘图，兹特查考补刊弓口分亩图。尚有老坟实难稽考，是此只注都图地名，因亩分未知，不能绘图。自光绪七年至十六年止，均于逐年置产出支账付某户契价核对，逐一绘图于后。

光绪七年、光绪八年置产图（图略）

光绪七年分，置王范氏册名王有高、王维新基地乙则，坐落钱邑栅外一图成字第六百七十六号，计征地二亩二分，土名牌山门。

光绪八年分，置胡大渭册名胡国叙基地乙则，坐落钱邑栅外一图成字第六百九十七号，计征地三分八厘，土名羊倪巷，即养善所基。

光绪八年分，置张观清册名张玉顺基地乙则，坐落钱邑栅外一图成字第六百九十四号，计征地乙分乙厘，土名羊倪巷。（图略）

光绪十年置产图 (图略)

光绪十年分，置王胜川基地一间册名王明高，系成字第五百七十一号，计征地壹分零捌毫肆丝；

何德源基地一间册名何宝记，系成字第五百七十二号，计征地壹分零捌毫肆丝；

鲁锦荣基地二间册名鲁顺元，系成字第五百七十三号，计征地贰分壹厘柒毫；

汪中华基地二间册名王福林，系成字第五百七十四号，计征地贰分叁厘捌毫肆丝。

共毗连基地六间，坐落钱邑栅外一图成字号，土名牌山门，于乙酉、丙戌两年造得临街厅式楼房，均有造筑细账于后。

光绪十年分，置汪长寿临街六椽楼房一间并连基地册名汪玉珍，坐落海月桥河下，系钱邑栅外一图成字第一百八十四号，计征地捌厘叁毫叁丝肆忽。其屋于丁亥年对邻失慎，已被回禄，于戊子年置得邻地，改造墙门。

光绪十年分，置黄贵林坟山一则，坐落钱邑栅外二图岁字号内，土山伍分壹厘叁毫伍丝，土名天化山，于丙戌年开葬。

光绪十年分，置卢明专坟地册名卢应龙，坐落钱邑栅外一图成字第九百廿八号，计征地壹亩柒分陆厘贰毫伍丝，土名松林街，于己丑年开葬。

光绪十年分，置汪富生基地二间册名汪国明，坐落钱邑栅外一图成字第一千三百五十六、八号，计征地壹分零肆毫贰丝，土名海月桥塘上潮神庙前。